



痴脹玉衡書

五

十武
573
五止



門中武
卷 573
3止



續敘

嘗稽古今醫學備悉萬病獨不明痧因而人鮮其傳
無奈世之患者比比也既有此病不可不求有以治
之余因以治之所驗悉其症之所由於甲寅歲著玉
衡一書偕同人互相參訂急而行之亦濟生之念所
不得已也書中凡敘痧說似已具詳而年來痧之變
幻更有隱伏於別病中者傷人最多非惟世所罕識
猶余前書之所未及因又有痧刻之續凡以因時所
犯略採異驗為集夫亦謀諸同人非敢以自矜也幸

必長五術書

續敘

學問源流 那波魯堂著 全三卷冊
此本昔唐吉リ本朝書藉傳
來コトヲ初ト近世至テ諸先
生ノ學風又學カ等時世隨テ推
移リ淺深ノ論辨シタトヘ一
卷ノ書ヲ讀トモ大抵コノ冊
ニ必ス要ヲ記ス

易學啟蒙圖說 馬場儀武 全三卷冊
嘗易道定例ヲ京トテ法則ヲ參
畫ラ以テキ且朱子胡氏董氏邵氏異
同辨並ニ錢口訣法擲錢ノ祝文
參同契納甲圖飛伏神歌六神五行
ノ說空ハ說ヲアラユル先生極秘
趣ヲ初心為ニ使用ナラシム

京都書肆

尚書堂 塙屋仁兵衛

三條通柳馬場内

天下不以多贅而忽諸

大清康熙十七年戊午歲季秋吉且郭志遠右陶父

載識

[Faint bleed-through text from the reverse side of the page]

參閱姓氏 後卷

曹 崧 振之

徐來賓 立三

潘大器 象黃

沈原洙 道扶

金 雲 子近

計 旻 蒼若

王 恒 心一

施 垣 均李

秦 沆 湘侯

袁 袞 丹箴

金履文 敷仲

王 燾 理思

潘汝器 中黃

計 雯 昂若

唐 珪 雙玉

吳又申 右軍

顧瀾初 硯聲

朱鴻章 閻來

張 昇 方曦

聞大淵 德音

呂二思 芳斯

參閱姓氏

徐人越 望舒

駱琦 允文

李琦 幼安

程尚志 枚吉

聞維鏞 聲遠

方大陳 鼎蓀

曹繼章 傳雲

吳銓 雍簡

金經 權可

金偉 祖翼

沈關愚 德容

劉人傑 天臣

張昊 漢傳

沈學恕 曾行

彭彬 松齡

張巖 靜成

弟光華 驥武

男亮勳 端英

痧脹玉衡書後卷目次

痧脹看症法

放痧辨

痧脹痲疹不同辨

痧脹治猶痲疹論

痘痲穢觸相同

兼痧傷寒不同辨

諸痛類痧辨

諸症不類痧辨

論脹

凝壅聚結辨

治痧救人脉論

痧筋統說

傷風痧脉辨

眩暈痧脉辨

痧脹舌胎論

痲疹兼痧脹

痧脹兼麻疹

痧脹類麻疹

麻疹後復痧脹

麻疹夾痧脹蛔結

傷寒黃疸兼痧

痧類陰症

呃逆痧

盤腸痧

自汗盜汗驚惶痧

痧類三瘧

咽喉諸症兼痧

口舌兼痧

類瘋痧

黃氣病兼痧

翻胃噎膈痧

筋骨疼痛痧

箭風痧

久瀉肉瘦痧

婦人隱疾痧

脚氣痧

耳痛痧

手臂痛痧

腫毒夾痧辨

刺蝥瘟痧

地葡瘟痧

痧變發願

急救逆痘要法

癩症兼痧

麻木酸痒痧

頭虛足腫痧

黃疸痧

小兒夜啼痧

驚風痰熱痧

死症痧

羊毛瘟痧

痧脹破述論

手足無感

清風濕熱感

黃肌色

利木新乾感

身如蚊行感

肌膚瘙癢

頭暈目眩

耳鳴

欲人與感

卷之三

手足無感

清風濕熱感

黃肌色

利木新乾感

身如蚊行感

肌膚瘙癢

頭暈目眩

耳鳴

痧脹玉衡書後卷

構李郭志遂右陶著

痧脹看症法

治病須憑脉。若犯痧脹。則脉不對症。症不合脉。或云
 痧筋為據。亦惟現外焉。且痧脹有為食積阻滯者。有
 為血痰阻滯者。或阻於上。或阻於中。或阻於下。又或
 阻於左。或阻於右。或阻於兩腰脇。苟非辨症的確。求
 其中病也難矣。故治痧脹。一見脉之不合。先看痧筋。
 大審氣色。二聽聲音。四推犯病之由。其間或有食積

血痰阻於上中下左右各處之分須細辨其病原後
用藥不誤也。凡痧脈有一部獨異有六脈俱異即有
異之中亦有陰陽虛實脈之神氣可辨要非一端可
執尚其審諸

放痧辨

或曰子於痧也有先用藥而放刮者有先放刮而用
藥者非放與刮治更無別法與曰放刮之法猶犯傷
寒太陽經症必用羌活麻黃等藥少陽經症必用柴
胡黃芩等藥症有所犯治有所宜凡氣分有痧宜用

刮血分有痧宜用放此不易之法至臟腑經絡有痧
若昏迷不醒等症非放刮所得治兼用藥療之無足
怪也。

痧脹痧疹不同辨

痧疹之發因傷風熱故身體壯熱咳嗽煩悶即是痧
疹之候痧疹在他方有名厝子有名蚤疹在樵李則
名痧子而痧脹亦名爲痧不可不辨痧疹因傷風肌
表必虛虛則毒氣乘虛而泄故藥雖或涼仍可用熱
飲若痧脹或因穢氣所觸或因暑氣所感或動時行

痲疹王微書
不正之氣或乘伏寒伏熱過時而來總不起於外傷
風熱故肌表必實實則熱毒之氣既脹於胸腹腸胃
之中若更用熱飲則熱氣適助其腫脹無從而泄故
犯此者有立時脹死此不可不辨也

痲脹治猶痲疹論

痲疹之發必欲盡透故治痲疹須要見於肌表者多
多則毒氣俱泄然後腸胃不留餘毒治痧在肌表者
用刮在血肉者用放亦猶治痲疹須盡透肌表之謂
也

痘痲穢觸相同

痘瘡為穢氣所觸即時作變痧脹也痲疹為穢氣所
觸即時反隱亦痧脹也若暑氣時行不正之氣感為
痧者詎無相類者與

治驗

一陳姓婢十四歲四月壯熱煩悶腹痛身重癰痧
遍體脉微而細觸穢之症也閱腿灣痧筋放七鍼
手指放十餘鍼俱紫黑毒血煩悶稍鬆用寶花散
阿魏丸清茶微冷飲之又付活血順氣之劑腹痛

遂止癩疹漸散。身體輕快。痘即起發。視其形色。已四朝矣。後皆如期。貫膿收靨而愈。可見痘中觸積。因疹而隱者。比比也。

兼疹傷寒不同辨

犯傷寒者。有外感三陽之寒。有直中三陰之寒。兼疹者。非可俱兼也。疹者熱毒也。熱毒入裏。內作腫脹。熱毒發外。肌膚腫脹。或升頭面。或散四肢。此等惡疾。俱由熱毒之氣所攻也。若直中三陰之真寒症。無有兼疹者。蓋三陰既已直中。則熱氣為寒氣所拒。無由而入也。至於外感三陽。或先受疹而感寒。或先受寒而感疹。或疹毒驟發。熱極而生寒戰。甚至手足厥冷。則俱有之。若先有疹而感寒者。知其慢疹。方可暫散寒邪。而後治寒。先有寒而感疹者。疹症為重。當先治疹。而後治寒。至如疹毒驟發。熱極而生寒戰。手足厥冷者。緊疹也。若一誤用發散升提溫飲之藥。須防時刻凶危。急用涼水飲之。稍解胸腹中熱。脹之氣。然後或刮。或放。用藥治之。

諸痛類疹辨

腹痛不一。有食有氣有火有冷。有虫有積。俱似痧。非
痧不可無辨。食者失饑傷飽。聚中脘作痛。其症遇食
即疼。胸膈飽悶。似痧者一。然按脈氣口必然有力。可
辨。若因冷食入胃。食與寒氣相搏於中。則心脾鬱結。
胸脇滿悶。中脘作疼。似痧者二。然按脈氣口必然無
力。但有嘈雜衝胸。噯氣吞酸。可辨氣者。因怒氣所傷。
不得發越。胸膈氣塞。衝激心脾。嘔逆惡心。吐不能出。
其疼手不可按。坐臥不定。奔走叫呼。似痧者三。然按
脈兩關必然洪大。餘部俱必應指。及刮之無痧。痧筋

不現。可辨火者。因熱作痛。胃火上逆。嘔吐酸水。必然
口渴欲飲。飲入即吐。其症手足溫煖。面帶陽色。似痧
者四。然按脈六部洪數。又與痧類難以細分。必看痧
筋兼用刮法。可辨冷者。久屬虛寒。沉寒作痛。其脈必
然平軟。似痧者五。但飲熱則安。飲冷痛發。可辨虫者。
胃脘疼痛。有如刀觸。痛極按心。搔爬難定。兼之脈息
無倫徐疾不一。似痧者六。然虫必有因。各有所喜。如
茶虫喜食茶葉糖。虫喜食糖物。或泥或絮。或酒或鹽。
其爲虫也。必有一好食之便安。若遇楫榔五靈脂殺

虫等藥或藥性力薄不能驅逐而出勢必咬齧翻動腸胃更加疼痛可辨積者舊有宿積聚結腸胃忽因行動作痛作疼似痧者七然痧筋罕現刮痧無影可辨如是辨之的確方知痧痛詳明治之得法然此諸痛又有兼痧者將論脈閱筋而加察焉鮮有不得其理矣

諸症不類痧辨

凡心腹脹痛因痧既知之矣痧症仍有不痛不脹者或兼痧或暗痧誤飲溫熱便致凶危等也余竊謂

遇危症病家不識痧筋猶用刮痧可辨醫家或認脈不清尚有痧筋可詳若內人不便閱視果緣痧脹凶極脈未有對症者以是辨之百不失一也

論脹

脹者氣之閉也氣爲毒壅故作腫作脹所以治痧先當治氣如食阻其氣於上則吐之食壅其氣於中則消之食化而結其氣於下則導之凡諸積之阻滯概然凡下竅閉者多上吐或吐蛔或吐血當導氣於下中竅閉則下瀉或瀉水或瀉蛔當行氣於中上竅閉

而復升則作悶或頭疼或上腫俱當用清涼引下之
至如氣為毒壅必傷血分若乃血為毒凝活血為上
血為毒壅破血為先血為毒聚且結敗血為要故治
痲必兼治血蓋血活毒氣行血破毒氣走血敗毒氣
散如是毒氣不留治斯效也

凝壅聚結辨

凝壅聚結皆血分痲毒惡症其間有輕重之別凝者
初犯之症壅者凝多而壅聚者血壅或左或右結者
血滯一處故痲毒中血分結為重聚次之壅又次之

凝為輕凝以紅花澤蘭為主壅以延胡索桃仁為主
聚以蘇木茜草為主結以五靈脂降香為主輕者用
藥不可重重則恐傷本原重者用藥不可輕輕則治
之不效

治驗

一尹鈞萬咳嗽痰喘有以緊勞治之病日增背鞠
如弓手足蹇緊不能展動嗽則胸腹百骸弔痛延
余診之脉洪大無倫此毒血壅聚也兼又難刮難
放先以圓紅散微冷飲之兩手稍鬆漸為放刮訖

又以前三卷言
又以圓紅散加三七鬱金末微溫飲之更以蘇木
茜草為主多加順氣活血之類如前飲之計日放
痧一次者四日用藥一服者五遂痊

一萬君安內室兩脇如痞按之則痛心胃間高起
服藥難療延余左脉微細右脉洪大此慢痧毒
結聚也計放痧三次付以五靈脂降香為主加桃
仁延胡索及消食行氣之類日用一服計十二劑
如舊

一陳弘業寒熱嘔吐苦難俛仰腹中脹痛夜不能

寐六脉弦細而緊數刮放畧鬆用紅花澤蘭劉寄
奴茜草桑寄生併行氣消食之藥微溫飲之二劑
而愈

治痧救人脉論

或謂余曰古書所載屋漏雀啄諸怪脉現者死脉代
者死為五臟有絕也况一部無脉二三部無脉焉得
有生理乎及覽玉衡痧脉止有六部無脉者死即諸
怪脉必曰放痧服藥不應者死與古書所載不同何
歟曰古人論此等脉為死脉者其常也余論此等脉

尚當救之者。因乎痧之變也。凡痧脹之脉。都有類諸
死脉者。余惟見此疾。實憐之。冀萬有一可救者。因痧
之變。不執常脉。而輕棄之也。

治驗

一陳見雅。內室懷娠。發熱。赤痢腹痛。不止。服他藥
不效。余診之。脉四動。一止。代脉也。閱有痧筋。放二
十餘鍼。用寶花散。微冷服之。付以桑寄生。益母草。
連翹。蘇梗。紅花。金銀花。山查。荀子。當歸。枳殼。青皮。
黃芩。微冷飲。四劑而痊。

一張舜。瞻側室腹痛。嗽痰嘔吐。延余。脉如彈石。知
其患痧。痛極。脉亦變也。令其婢。放痧三十餘鍼。用
寶花散。救苦丹。砂仁湯。稍冷飲之。付以獨活。紅花
湯。加山查。神麴。荀子。青皮。微冷飲。二劑而愈。
一傅純。宇發熱昏沉。脉如解索。先用陰陽水。搗
芫汁。飲之。放指臂痧。二十餘鍼。稍覺清爽。用細辛
大黃丸。清茶。稍冷飲之。付以荆芥。銀花湯。加青皮。
微温服。二劑而痊。
一鄒雲。公頭面紅腫。目閉。喉痛。六脉無根。知其痧。

氣阻塞脉路也刺腿足痧四十餘鍼流紫黑血甚多又刺手臂痧二十餘鍼未愈用清涼至寶飲減細辛加山豆根射干牛膝石斛桑皮枳殼稍冷飲三劑而痊

一金子近次子祖翼九月間適因勞動飲食不時忽壯熱頭痛自以紫蘇湯薰頭而大汗胸中脹悶他醫用藥下之反口吐白沫時有議以爲痧乃更延醫診視見舌胎灰色以傷寒藥治之子近恐犯痧氣先以半小鐘試服少頃卽譫語片時而止熱

仍不解愈覺沉重脉有八至遂連易三醫皆云傷寒三次服藥皆昏沉譫語如前第五日眼如火赤唇若塗硃鼻如煙煤舌胎黑燥枯乾而短聲音不清足冷至腹陰囊卵縮肉脫神昏醫者皆辭不治已備後事至七日乃始放痧因病勢危篤止放二鍼唇眼舌聲諸死症頓愈陰囊二卵漸舒脉竟平復始現腹痛乃知口渴因惑人言痧症不可服藥止飲童便服紫金錠而痛止後又隨痛隨服繼進飲食大便乾結至十八日用蜜導法遂變下痢日

夜五六十次。凡六日始服痧症藥一劑。即安睡。痢
乃止。後延他醫調理。補之不數日。睡時即發。遍身
水晶痞。痛覺時。即隱。醫家莫解其故。子近因刮穿
頸額間痞。瀉流出。皆汗也。即盜汗不止。他醫咸謂
久病虛脫。大用補劑。歛汗。不惟無益。更加自汗。且
完穀不化。小便短赤。頻數。變為砂淋。醫又皆束手。
謝事。爰復放痧。用八正散二劑。服之。痧氣始轉身。
即壯熱。約有一更時。身涼。汗止。惟日食生茨菇。五
六日。砂淋亦止。而全愈。祖翼之病。變幻遲久。總因

止放二鍼。不服痧症藥。以除根之故也。究以治痧
而得全脉。而八至。成症雖多。其可棄耶。

一金子。近長子權。可八月間。發斑。遍身如麻疹狀。
延他醫視之。則曰。癍疹。復延幼科診之。亦云。痧疹。
服藥十日不退。脉僅二至。醫家因疑其少年鑿喪。
故爾虛脫。欲用補劑。子近恐亦痧氣。不敢服。命權
可起而視之。則遍身痧點。皆活動。流注兩腿。皮肉
紅紫。因放腿灣。痧一鍼。而皮肉白。又放腿灣。痧數
鍼。而皮肉皆白。惟小腿紅紫未退。臥即復流動。遍

散於身仍作稀稀癩點緣脉尤一至用川烏草烏
爲一小丸服之脉復如常大汗出而全愈

痧筋統說

或曰前書放痧有千今放痧者奚不止於此余曰遍
身青筋古有載矣謂放痧有十者不過就痧毒先達
臟腑者明之爾至腿灣痧筋尤人易曉余詳之爲初
學者便推而廣之寧有暨乎

傷風痧脉辨

或曰前子傷寒辨痧詳矣若犯痧似傷風何如余曰

肺主皮毛心主血肝主筋傷風犯痧三部脉見者居
多且風陽也風傷衛在表故脉浮傷風有汗表虛也
故脉緩有犯此症脉不浮緩反見沉緊或洪大痧脹
一驗也若傷風帶寒鼻塞畏冷脉當浮而微緊脉反
沉伏或芤長痧脹二驗也若傷風熱鼻塞聲重喉痛
脉當浮而微數脉反沉緊或芤或伏痧脹三驗也若
傷風有痰氣急發喘脉當浮滑反微濇沉伏痧脹四
驗也以此推之足矣

治驗

一駱叔源傷風發熱咳嗽痰喘已半月矣左脉沉伏右脉濇而微數此慢痧爲患也左腿灣放一二鍼紫黑血流至足又刮痧不愈付寶花散加明礬末稍冷湯飲之用荆芥湯減川芎加蘇子紅花蒲黃土貝母烏藥微冷飲之而愈

一高允謨傷風鼻塞肩背拘急頭項疼痛有以足太陽膀胱經藥治之頭頂益痛叫喊不已甚至肩背沉重時覺昏迷延余治之左寸微伏右關乳大先服圓紅散稍醒刺腿灣六鍼不愈用寶花散清

茶微冷飲之肩背稍轉頭痛少安詢所服者腹中覺冷卽用防風散痧湯減枳殼加羌活川芎紫蘇烏藥溫飲寒散而安

一凌公遠內室傷風喉啞胸腹飽悶兩關俱扎余曰扎者痧血未有上下俱痧其痧乎其家人刮之紫痧甚多飽悶卽解付獨活紅花湯加射干前胡薄荷石斛連翹玄參一劑微冷飲之傷風喉啞俱痊

眩暈痧脉辨

暈有血暈氣暈痰暈火暈濕暈暑暈有血虛發暈有
氣虛發暈有風中而暈有寒中而暈有勞力而暈今
加之以痧暈古人無治古書無論何以知之大都血
暈脈扣氣暈脈沉痰暈脈滑火暈脈數濕暈脈濡暑
暈脈虛血虛發暈脈微風中而暈脈
浮緩寒中而暈脈弦緊勞力而暈脈右尺浮洪此暈
脈之大略也若病似血暈脈反短似氣暈脈反浮似
痰暈脈反潛似火暈脈反遲似濕暈脈反勁似暑暈
脈反實似血虛發暈脈反滑似氣虛發暈脈反大似

風中而暈脈反沉緊似寒中而暈脈反微緩似勞力
而暈脈反細實是皆脈症不合余歷驗之而信其爲
痧此痧暈之治不誣也

治驗

一陳肅遠嘗苦發暈醒則日夜頭眩余往候之脈
右虛左實徐疾不常余曰此非放痧不可於腿灣
上下放十餘鍼紫黑血流如注指上亦放二十餘
鍼用寶花散沉香阿魏丸清茶稍冷飲之付防風
勝金湯加桃仁紅花稍冷飲之後遂不復患眩暈

一妻渭濱內室正月間驟然發暈一日三次舉家
惶恐余見其脉沉而微緊令其婢爲指上放痧三
十餘鍼用救苦丹加沉香末清茶稍冷飲之付荆
芥銀花湯加荀子枳殼一劑而痊
一梅君玉子三月間吐衄發暈昏沉不醒六脉俱
伏左右虎口脉青色放指頭痧一十八鍼用細辛
大黃丸清茶調黑糖稍冷飲之漸甦付蒲黃飲減
姜黃加陳皮烏藥紅花微冷湯調黑糖飲之乃愈
一霍庭賢內室四月間壯熱面赤口渴唇焦有以

陽明胃經症藥治之遂發暈終日不醒余診之脉
兩寸弦細兩關沉微兩尺左大右緊曰脉症不合
痧毒內攻也先用蘇木散砂仁湯微冷飲之令其
老婦放指上痧二十餘鍼血色墨黑尤不醒後令
放乳邊痧二鍼乃甦餘症不減用蒺藜散微温湯
飲之付桃仁紅花湯加枳殼四劑下盡惡毒黑物
而痊

一盛思虞六月間飲酒頭汗發暈脉寸關洪大無
倫兩尺脉伏閱痧筋放十餘鍼皆紫黑毒血付陳

皮厚朴湯加乾葛山查薔子微冷飲之而醒又用
藿香湯加黃連黃芩乃安

痧脹舌胎論

或謂全書載痧論治俱備舌胎僅存其名豈痧脹舌
胎無可治乎余曰非也蓋謂痧脹有別症之舌胎則
可謂舌胎即痧脹之症是不識痧脹之適當其然併
不識舌胎之所以然也誠以舌胎乃足陽明胃腑熱
病故治痧脹先理其痧後治舌胎即安若先理舌胎
後治痧脹則危蓋舌胎乃胃腑熱極氣衝心胸舌為

心苗故見胎治宜石膏黃連大黃黃芩黃柏之類若
不先治痧恐此等藥又寒凝血分反成大患故治此
者要看痧毒一退即治舌胎可也

不治驗

一翁在茲發熱口渴舌有黑胎臥難轉動氣急痰
喘六脈洪實放痧三十餘鍼未愈用圓紅散砂仁
湯微溫飲之又付必勝湯大便下黑糞惟口渴黑
胎未愈加石膏黃連一劑乃瘳
一曹華字長子十一月間犯傷寒兼痧舌卷耳聾

舌上黑胎芒刺大渴昏沉發熱身重不能轉側胸
中迷悶瀉痢清水先以圓紅散加鬱金末清茶稍
冷飲之放指上痧三十餘鍼未愈用阿魏丸付以
防風散痧湯合稜朮湯加桃仁紅花一劑俱微冷
飲之舌卷耳聾漸愈瀉水即止大渴稍解但舌胎
不退胸中飽悶詢其腹中厭冷痧氣已絕用和脾
宜化飲減前胡大腹皮加桃仁紅花枳實青皮石
膏黃連大黃微溫飲之食結飽悶俱消黑胎芒刺
皆退惟大便不通用大黃三錢芒硝一錢溫飲之

大便通而愈

一張旋庵內室傷食飽悶按之則痛日晡發熱舌
心焦黃芒刺延余脉微無力余曰痧也放腿灣痧
三鍼流紫黑毒血用紫朴湯加柴胡乾葛微冷飲
之後加石膏黃連大黃黃栢溫飲四劑大便下宿
糞而愈

一龔雲濤發熱嘔噦舌有黑胎芒刺起一大泡蹠
卧聲重迷悶幾死脉左弦緊右微細放腿上痧一
十餘鍼用二黃石膏湯微溫飲之稍愈驟進飲食

逃悶復發用消食順氣之劑後加大黃芒硝大便通而安

麻疹兼痧脹

麻疹方惟是升發清涼解利。茲竟有若此不治者。因不知麻疹中有痧也。蓋麻疹乘虛而發若穢氣暑氣時行不正之氣亦可乘病而感苟犯痧者但先治痧脹。麻疹自發自散蓋麻疹兼痧脹痧脹為難。麻疹及隱而難現不可不辨也。

治驗

一金權可二月間犯時行麻疹心胸煩悶延余治之。脈症不合。放痧後用寶花散併活血順氣消食之劑。俱調黑糖侯稍冷飲之。復刮痧訖如前服一劑乃安。

一潘質黃子犯麻疹脈微放腿灣痧二鍼血流紫色。又放指上痧三十餘鍼付圓紅散併清涼至寶飲合紅花湯俱微冷飲之即愈。
一余弟驥武子八歲正月間犯麻疹胸腹脹悶煩躁熱渴咳嗽氣急面赤身熱脈不洪大反見細數

放腿灣痧。一銀付圓紅散沉香丸用荆芥薄荷湯
合枳實大黃湯俱微冷飲之。麻疹即發透隨散而
愈。其時一僕婦亦咳嗽煩悶同犯麻疹如上治
而痊。

一王日斯女壯熱咳嗽麻疹初現氣急面赤脉症
不合放指上痧二十餘鍼付圓紅散加沉香末調
黑糖湯稍冷飲之用清氣化痰飲合蒲黃飲均微
冷飲之即發透隨散而愈。

痧脹兼麻疹

傷風咳嗽煩悶為麻疹之候然亦有麻疹未發或觸
穢氣或感暑氣或吸時行不正之氣當即痧脹或心
痛腹痛或脹悶喘急或徧身疼痛或發暈昏沉一似
麻疹不發內攻心腹痛及週身使止認為麻疹之候
升發之勢必危殆不知傷風咳嗽煩悶雖有麻疹發
於日後其痧脹內攻即麻疹有現形者因之反隱更
助痧脹為禍况麻疹未形痧脹沉重可不先救痧脹
乎。

治驗

一陸迪安內人發熱咳嗽胸腹疼痛叫喊非常脉
症不合冷其僕婦放腿灣痧未愈先以寶花散阿
魏丸清茶稍冷飲之付必勝湯減大黃加枳實連
翹荀子一劑微冷飲之疼痛稍已次日如前劑減
五靈脂加荆芥黃芩微温飲之疼痛乃止麻疹即
發再劑而痊

一沈端肱女咳嗽發熱脹悶不已六脉弦緊或時
歇指放指頭痧二十餘鍼未愈用寶花散加沉香
末稍冷飲之付防風勝金湯加紅花荆芥治之麻

疹隨發用荆芥湯減川芎加黃芩玄參金銀花微
温飲二劑而瘳

一陳弘甫傷風發熱咳嗽煩悶脉左沉右洪放乳
上痧二鍼用紫朴湯冷飲麻疹漸現次日為穢氣
所觸復隱隱不發刮兩臂肩背痧用荆芥湯減川
芎加黃芩銀花紅花沙參烏藥微冷飲之麻疹即
發再劑而愈

一高子良弟四歲正月間傷風咳嗽煩悶有以麻
疹治之不發反吐血發暈昏沉延余脉症不合放

舌下痧二錢付紫朴湯加黃芩微冷飲之麻疹始
現次日稍飲溫茶半鐘麻疹復隱余曰痧脹餘毒
復發內攻故麻疹隨之而隱又刮痧畢服必勝湯
減大黃五靈脂貝母加黃芩飲之麻疹即透後惟
清涼解毒而痊

痧脹類麻疹

或謂余曰痧脹之發即麻疹也予於痧脹特多放痧
之法爾不知所放之痧即放麻疹之脹氣也安得云
麻疹非痧脹之標痧脹非麻疹之本與余曰我見麻

疹從傷風咳嗽而發者有矣未聞有感穢氣發麻疹
感熱天暑氣發麻疹者豈非麻疹自有麻疹病痧脹
自有痧脹病乎况痧脹既云即麻疹何以有麻疹因
穢氣暑氣所乘兼痧脹麻疹即隱而不發必俟放刮
後麻疹始發乎乃知麻疹不與痧脹同故刮者放者
名痧脹雖有刮出之痧不可即認爲麻疹其痧脹亦
不與麻疹同必因傷風所發始爲麻疹實不同也乃
茲有痧脹不因傷風發熱咳嗽所起嘗見刮放用藥
後發出遍身形影如麻疹者雖形似麻疹實非麻疹

故名之爲類麻疹焉。或曰：詎有非麻疹而形可同於麻疹者？曰：此亦猶痧毒發爲腫毒，發爲紫疱之類，爾何疑乎？

治驗

一聞德音內人腹中疼痛，右脈微而弦，左脈細而澹，令其婢放腿灣痧三鍼，血流紫黑色，未愈。用寶花散救苦丹，清茶稍冷飲之，付以和脾宣化飲，加茜草、桃仁微冷飲之，發出一身類麻疹者。余用防風散痧湯減細辛，加連翹、紅花、金銀花、桃仁治之。

而痊

一施均李孫女發熱咳嗽，腹脹昏沉，微有麻疹形影，大便瀉黃水，有用升發之藥不效。延余治之，脈上盛而下虛，乃知發熱咳嗽雖本傷風，實非因傷風而有麻疹形影也。放指頭痧二十餘鍼，用圓紅散調黑糖微冷湯飲之，稍覺清爽，用獨活紅花湯加山查、薔子、澤蘭治之，連送一劑，大便下盡黑物而愈。

一章連瀉三子發熱昏沉，腰脇間微有形影，與麻

疹相似有用升發之劑惟恐不透次日迎余六脉
歇指余曰麻疹之病何遽爾歇指耶雖昏沉氣喘
喉無痰聲脉不合症斯痧脹之類麻疹者與放頭
頂痧兼放左太陽及乳上痧三鍼未愈用荆芥湯
加山稜蓬朮白茯苓微冷飲之發一身類麻疹者
遂安

一薛思高發熱迷悶氣不得舒胸腹頭面有麻疹
形余診之兩關俱扎此痧脹之類麻疹也放痧十
餘鍼又刮痧訖用沉香鬱金散清茶稍冷飲之而

痧

一張省原子胸腹飽悶昏沉不醒痧筋不現但微
有麻疹形脉左寸關沉細如無右寸亦伏余思麻
疹脉不若是令其家人用燈心蘸菜油點火焯之
卽醒但飽悶未解用寶花散加沉香蒲黃清茶微
冷飲之付奏凱和解飲減山藥人參甘草加桃仁
紅花治之而痊

麻疹後復痧脹

問痧脹有愈而屢屢復發者矣若麻疹有愈而屢屢

復發者乎。曰：無有然則謂麻疹卽痧脹謬矣。使有犯麻疹復痧脹，乃卽以治麻疹法治之，誤莫大焉。故曰：麻疹後復痧脹不可不知。

治驗

一王日斯幼女正月間麻疹後瀉痢白色。治之稍安驟然腹痛脉短而微。余曰：此穢氣新觸作痛非麻疹之故。放指上痧二十餘鍼未愈。用救苦丹清茶稍冷服之。付藿香湯加葡萄子紅花烏藥木通微令飲之卽痊。

一陶元升麻疹後忽壯熱面赤痰喘不已兩額太陽抽痛異常脉不洪滑反濡細痧氣阻塞脉路也。痰喘不已痧氣上壅也。兩額太陽抽痛痧毒上攻三陽也。其面赤發熱者毒盛極而攻表也。均不因麻疹而然。啓腿灣痧筋放六鍼毒血墨黑未愈。用清涼至寶飲減細辛加黃芩乾葛紅花牛膝木通微冷飲一劑漸安。但腹中飽悶按之則痛用丁沉阿魏丸微溫飲之。又付必勝湯溫飲四劑下盡黑惡毒物而愈。

一爰鈞甫子二月間麻疹後遍身疼痛不能轉側
有以麻疹餘毒治之反加沉重延余脉累累如貫
珠時一促疾蓋遍身疼痛不能轉側者痧脹毒攻
血分也脉累累如貫珠疾促者痧脹於中筋脉縮
急而然也反加沉重者誤飲溫熱痧毒內攻勢盛
也放腿灣痧四鍼及臂指痧二十餘鍼咸流紫黑
血未愈用桃仁紅花湯加牛膝山查枳殼磨降香
微溫服四劑而安

麻疹夾痧脹蛔結

麻疹治法易明若夾痧脹不放不刮或犯痧脹之禁
痧疹亦隨痧脹反攻臟腑蛔不能存非吐而出即從
大便而下否則結於大腸膈中作痛治宜先施刮放
後用芒硝大黃攻其夾蛔宿糞令毒從大便而出則
痧脹乃解痧疹輕者自消重者自發矣

治驗

一劉香仲孫女二月間傷風發熱咳嗽麻疹隱現
不發喉啞失音臍腹疼痛昏悶沉沉前醫不治延
余左脉芤右脉澹時有歇指以火照手背指上痧

筋放二十餘鍼用沉香丸清茶稍冷飲之付紫朴
湯合荆芥銀花湯俱微冷飲之後連放指頭痧二
次如前藥加黃芩石膏芒硝大黃微溫飲之喉稍
有聲乃去石膏加黃栢溫飲之下死蛔四條大便
通而愈

一劉姓婢犯痧疹發熱咳嗽腹痛脈洪大無倫亦
夾痧脹者也放腿灣痧五鍼紫黑毒血成流又放
指頭痧二十餘鍼用桃仁紅花湯減蘇木合荆芥
湯減川芎加黃芩微冷飲之下死蛔一條而痊

一過洪甫發熱咳嗽吐瀉痧疹現而復隱口渴唇
焦鼻紅瀉血舌有黃胎繞臍硬痛叫喊非常醫治
不應其弟德甫延余治之左脈俱伏右脈洪緊放
指頭臂上痧三十餘鍼用獨活紅花湯加石膏黃
芩芒硝微冷飲二劑瀉下宿糞死蛔六條痧疹乃
發次用荆芥銀花湯加玄參黃芩黃栢微溫飲之
三劑而愈

一方原行次子傷風發熱咳嗽煩悶腹中大痛痧
疹現而復隱喉啞失音六脈弦緊放乳上指臂痧

二十餘鍼未愈。用射干、堯苓湯減甘、菊花粉加石膏、桃仁、紅花、大黃一劑。微冷飲之。下宿糞。死蛔三條。麻疹始透。復放腿灣。痧腹痛餘症俱瘳。

傷寒黃痘兼痧

讀傷寒書有發黃發痘。余以為有痧焉者。蓋發黃發痘皆即傷寒現症也。或中穢氣。或因暑氣。或感時行不正之氣。遂兼痧脹。即傷寒兼痧之說也。

治驗

一孔叔元傷寒傳胃腑。口渴壯熱。頭汗發黃。舌胎

芒刺。腹脹。迷悶。舌短聲重。氣急發喘。余見脈左寸關微伏。餘脈弦緊。曰痧毒阻於筋脈。氣不宣。故微伏而弦。緊兼之。胃腑熱極。痧毒乘之一。飲熱湯熱物。痧毒橫行。攻擊臟腑。故見此等惡症。先放頭頂。痧一鍼。次放指頭。痧二十餘鍼。及乳上。痧二鍼。迷悶即鬆。付以烏藥順氣湯。加石膏、黃連、大黃、桃仁一劑。微冷服之。頭汗舌胎始退。餘症漸解。復放指上。痧付枳實、大黃湯。減槐花。加紅花、芒硝一劑。溫服。乃瘳。

一孫彥衢內室壯熱發黃頭汗如雨大渴唇焦左
脉弦緊右脉沉微放手臂腿灣上下痧四十餘鍼
流出紫黑毒血未愈付細辛大黃丸沉香鬱金散
微冷湯下用桃仁紅花湯加牛膝石膏斛二劑微温
飲之乃痊

一梁鍾素傷寒六日壯熱發癩大渴昏沉余見脉
洪大無倫兩太陽青筋刺痧三鍼放腿灣痧五鍼
出毒血未愈用荆芥紅花湯合清涼至寶飲加石
膏稍冷送下四劑而愈

一湯茂珍次女八月傷寒日晡壯熱口渴發癩頭
痛如破聲重耳聾吐蛔二條迷悶幾死兩寸脉微
無力兩關弦細兩尺左滑右緊放腿灣痧三鍼略
鬆用清涼至寶飲加黃芩牛膝石膏桃仁澤蘭烏
藥枳殼微冷飲之不應復放痧用熟大黃三錢細
茶一撮煎服而痊

一痧類陰症

痧症類傷寒不獨類傷寒傳經熱症觀諸痧變脉候
更有不似陽而似陰者幾令人反疑爲直中三陰真

寒症痧毒入深也。稍用熱藥熱飲便不可救療。

治驗

一章晉卿發熱沉重口渴兩額紅赤唇燥舌胎兩
手震動舉家驚惶脉沉微無力時有用乾薑肉桂
治之有用附子治之此則認脉為陰而作傷寒三
陰真寒症治之也服之危篤延余四子端英診之
知其脉症不合看腿灣痧筋放四鍼流紫黑毒血
付石膏黃連黃芩兼活血順氣之藥稍冷飲之一
劑而鬆再劑而安

一楊複音發熱嘔吐泄瀉手足蹇攣怕聞嚮聲頭
汗如雨有指為虛極而然用大劑人參補之反加
昏悶余按其脉沉細無力視其面有戴陽之色迨
詢所飲見熱而拒遇冷則喜余思此必內有痧症
熱毒故脉症若斯扶看腿灣痧筋二條放之流紫
黑毒血如注用桃仁紅花湯加角刺牛膝微温服
四劑用清涼至寶飲加黃芩温飲二劑而痊
一何心祝身不發熱咳嗽吐瀉蹇卧沉重手足俱
冷昏迷不醒喉中痰聲不絕醫者四人咸云床褥

不謹內中陰寒用人參黃芪附子乾薑等藥服之
病日增余按脈徐疾不常時有歇指探其氣口熱
如爐看其舌有黃黑胎芒刺余曰此非直中陰經
真寒症也其族兄爭之不已余曰焉有陰症而舌
胎芒刺口熱如爐者乎况服參芪薑附已有明徵
若必欲以陰治請辭其家人固求余先用陰陽水
二碗飲之遂覺稍醒其弟二人竭力扶起放腿灣
痧六鍼付以射干堯苓湯去甘菊加烏藥玄明粉
枳榔葡萄子一劑稍冷飲之後減玄明粉加童便六

服而痊

呃逆痧

呃逆俗名冷呃有寒有熱有虛有實有因痰火而發
有因血鬱而成有因食阻而得有因氣阻而生有因
病重發喘爲呃謂之喘呃若一槩認呃爲冷以丁香
柿蒂主之謬矣故老弱氣虛犯呃非參不補若虛極
陰寒犯呃非薑桂附子不溫卽此冷呃治之亦異而
况痧脹爲呃有痰火血鬱之分有食阻氣阻之異有
病重喘呃之凶苟非細辨受病之原用藥稍或不妥

非惟不效勢必呃死是用明痧呃之害焉

治驗

一徐望舒傷寒變瘧呃逆三日夜兩寸脉微餘脉緊滑余曰呃逆脉異病後兼痧也閱腿灣上下痧筋放四鍼紫黑血流不愈用細辛大黃丸清茶稍冷服之付清涼至寶飲微冷下而痊

一王彦甫內室產後月餘發熱呃逆腹脹沉重其長子謂余曰老母產後傷寒六日沉重異常忽發冷呃將若何余診之六脉弦細而疾口渴畏熱飲

痧症顯然放臂痧三鍼血流如注又放指上痧三十餘鍼用蘇木散併付桃仁紅花湯加山查荀子二劑俱微温飲之乃愈

一孫靖公六月心煩呃逆兩寸關俱細濇而數且喜冷飲余曰痧脉已現痧症昭然刮痧放痧不愈用清涼至寶飲減細辛加香薷黃連童便食鹽微冷服遂愈

盤腸痧

痧毒肆行盤轉腸胃雖不痛不疼苦楚萬狀命在須

史○此○緊○痧○之○症○也

治驗

一○張○方○曦○內○人○十○一○月○間○胸○腹○中○氣○不○舒○暢○惟○是
盤○旋○絞○絞○於○胸○腹○腸○胃○中○叫○喊○幾○死○將○及○半○日○時
晚○延○余○診○其○脉○洪○大○無○倫○令○其○僕○婦○放○指○頭○痧○一
十○餘○鍼○用○救○苦○丹○沉○香○丸○清○茶○稍○冷○飲○之○未○愈○付
防○風○勝○金○湯○加○桃○仁○紅○花○治○之○而○痊

一○汪○履○公○弟○三○月○飯○後○驟○然○叫○喊○腹○中○絞○絞○迷○悶
無○極○六○脉○俱○伏○放○腿○灣○痧○六○鍼○紫○黑○毒○血○出○如○湧

泉○未○愈○用○鹽○湯○冷○飲○一○大○碗○吐○去○新○食○付○清○氣○化
痰○飲○稍○冷○服○而○愈

一○盛○玉○鉉○炎○月○旁○晚○胸○腹○迷○悶○苦○不○可○言○自○謂○死
期○在○卽○舉○家○驚○駭○延○余○右○三○部○脉○伏○左○三○部○脉○洪
大○無○倫○放○指○頭○痧○三○十○餘○鍼○未○愈○用○礬○湯○冷○飲○一
碗○吐○去○新○食○付○蒲○黃○飲○減○薑○黃○加○蘆○子○微○冷○服○而
痊

自汗盜汗驚惶痧

自○汗○陽○虧○盜○汗○陰○弱○聞○聲○而○驚○震○遇○響○而○惶○懼○者○虛

極之候若因痧有是症者固表固本在所大忌務宜辨之

治驗

一陳肅遠內人本質素虛凡遇病非人參不效四月間心胸煩悶汗流不絕聞聲驚恐初病延余脈未顯難辨余聞素虛雖不敢用參付平劑不應延他醫付藥加參補之疾益甚復拉余按脈不見沉微反見浮洪緊大余曰痧也三子叔揚爲母放痧畢余用寶花散沉香阿魏丸微冷茶飲之漸安肅

遠恐虛實未明停藥一日後用歸身山藥茯苓麥冬沙參丹皮四劑而愈

一潘中黃心胸煩悶睡卽盜汗不已先將腿灣痧筋放之卽發暈不愈越六日延余按其脈不與症合余曰痧毒幸放故無大害其發暈者適遇痧氣衝心是以得暈非放痧之害也復爲放指上痧三十餘鍼未愈用寶花散微冷飲之用獨活紅花湯加葡萄子調黑糖治之而痊

一祝公庵次子發熱頭疼自汗如油痰喘如錫時

覺昏沉有以牛黃抱龍丸生薑湯治之更重延余
診之脉上盛而下虛放乳邊痧三鍼腿灣上下痧
六鍼未愈付桃仁紅花湯加牛膝石斛細茶微温
飲之三劑而安

一石敬村女口渴盜汗腹脹如臛有治之不應
按脉弦細無力放指頭痧二十餘鍼用蘇木散
寶花散砂仁湯微温飲之付蒲黃飲加角刺葡萄
温飲四劑又用清凉至寶飲二劑而痊

痧類三瘡

瘡有_二日一發有_二間日一發有_二三日一發邪氣所奏
感受各有淺深若三日一發者所感獨深但痧毒乘
之陰受其禍即有不測焉能識之邇於全書所記外
見有_二痧類三瘡者故續編之以彰其害焉

治驗

一陸淑韓祖年近七旬八月患瘡間一日一發寒
熱甚重心胸煩悶將及半月診之左脉微濇余曰
不意斯疾亦有痧焉刺腿灣痧三鍼流血紫黑用
寶花散沉香丸清茶微冷飲之付防風散痧湯加

連翹柴胡橘紅膽星微冷服二劑六日乃痊
一懷惟貞患三瘧半年忽煩悶沉重坐臥不安六
脉俱伏余曰此三瘧兼痧者也刺腿灣痧一鍼流
紫黑毒血用寶花散清茶微冷飲之遂鬆後不服
藥漸痊

咽喉諸症兼痧

咽喉諸疾亦有兼痧之症與若云咽喉從古無兼痧
論試思古人治咽喉十八症有刺少商穴法此何異
乎夫少商穴屬太陰肺經在手指爪角內側刺之出

血以洩其毒治惟一經尚有其效若乃兼痧凡經絡
所傷或上或下隨經刺放以拔痧毒乃反莫救於咽
喉乎余竊謂咽喉兼痧痧毒內發必難愈若按脉
看筋能先治痧令痧毒一去然後內服藥餌外用吹
散可也

治驗

一余長孫犯喉疳脉虛而微數閱腿灣痧筋放三
鍼流紫黑毒血吹冰硼散用清涼至寶飲減細辛
加射干連翹枳殼牛膝貝母微温飲之而愈

一陸思湖犯喉癰危急醫治不應余診之脉弦而
緊右寸脉伏闕有痧筋刺十餘鍼紫黑毒血流如
湧泉吹水礪散用清涼至寶飲減細辛加山豆根
連翹菊葉飲之而痊

一繆瑞吾子犯喉痺疼脉兩寸俱伏余曰症與
脉異殆必有痧若止治喉痺恐難即愈不信辭之
他醫調治痛益甚復延余放指頭痧三十餘鍼口
噙冰梅治其痰涎用清涼至寶飲減細辛加射干
連翹微冷飲之即愈

一潘象黃隣人犯咽喉腫大看有痧筋云此宜刺
放然後醫治則愈嘗對余談及余雖不臨症治之
然即此一人知天下犯咽喉腫大必有同也故并
記之

口舌兼痧

口舌有疾適因感觸犯痧症雖發在後治之不容
或緩即使口舌症凶痧脹較之尤急斷不可先口舌
而後痧脹也

治驗

一翁珍碩舌下起重舌苦難盡述有以少陰君火治之不應余按其脉左寸沉微右關無力若據脉宜補據症宜涼取痧筋驗之放腿灣痧十餘鍼皆紫黑毒血求余立方余曰向所服者俱清涼之味宜少加川連所吹者俱引涎之物宜多加冰片即可奏效於斯疾也但服藥不當溫飲略覺微溫足矣三日而痊

一聶敏躬口疳作爛吹藥益甚放痧不愈求余右脉微緩左脉沉伏付清涼至寶飲減細辛加石膏

牛膝烏藥枳殼青皮稍冷飲之用冰礪散加膽礬兒茶吹之乃痊

類瘋痧

瘋有真瘋有類瘋不辨其實槩將花蛇等藥攻之誤矣余見痧脹多變更有類乎瘋者故正其名曰類瘋痧

治驗

一范嗣瞻咳嗽氣急兩顴唇口鮮紅有以不足症藥治之不應余以痧療之而痊迨半年後面顏上

忽變出圓片紅色高起外科視之認作大瘋治余
按脉微而緩曰痧也。悶痧筋放腿灣下三鍼紫黑
色毒血成流又放指頭痧二十餘鍼用沉香鬱金
散清茶冷飲之付如聖散加紅花青皮調黑糖湯
微冷飲之而愈。

黃氣病兼痧

腸胃內熱積滯氣阻成黃氣病往往有兼痧者非先
治痧則黃氣病終不能治也。

治驗

一 讓武弟婦犯黃氣病面色萎黃腹脹如鼓腿足
俱腫六脉微潛令僕婦爲之放痧三十餘鍼俱紫
黑色毒血用沉香鬱金散清涼至寶飲加青皮烏
藥棋榔山查荀子牛膝俱稍冷服腹脹始鬆後惟
用黃氣病本藥微冷飲四劑而痊。

一 蒯香年犯黃氣病熱渴唇烈面黃腹脹手足俱
腫食卽作瀉及按其脉徐疾不常緣視腿灣上下
痧筋刺十餘鍼毒血成流用阿魏丸砂仁湯微冷
飲之脹氣遂減余卽以治黃氣病本藥治之六劑

而痊。

一董臨橋腹脹如鼓兩足微腫飲食不食面色乾黃諸藥不應求余治之脈不洪數反沉遲刺指臂二十餘鍼胸腹遂爽即用治黃氣病藥稍冷飲四劑而愈。

翻胃噎膈痧

病有翻胃兼痧有痧變翻胃有噎膈兼痧有痧變噎膈其痧似慢日漸凶暴宜細辨之。

治驗

包世球年六旬餘患翻胃症食即心痛嘔吐不止余按其脈六部洪緊有力乃閱痧筋放手臂腿上痧二十餘鍼付以烏藥順氣湯及降香桃花散俱微溫服四日而痊。

一蔡愛山胸中飽悶欲食不食食即胃腕不寧苦楚萬狀余診之右三部脈微濇放腿灣痧二十餘鍼略鬆日服蘇木散微溫酒下一二錢六日而愈。

筋骨疼痛痧

筋骨疼痛多延蔓終身治此者或風或濕或氣阻血

凝或流痰流火如此而已然有效有不效或為痧暗相纏令人莫識此痧甚慢不可不知也

治驗

一董季連筋骨疼痛臥床二年諸藥不應余診之右脉微弦左脉沉細閱痧筋放之血流紫黑用圓紅散微溫湯飲之付蒲黃飲加五靈脂角刺溫服六劑而痊

一郝文存筋骨疼痛步履艱難吐痰氣急左脉微芤右脉弦緊放腿灣痧紫黑血三鍼用必勝湯加

角刺微溫飲之漸愈

鬼箭痧

世俗傳鬼箭之說有鍼挑火焮油髮艾桃搯諸法不敢服藥疑真有鬼禍非也識者辨之謂鬼箭是風神箭是寒床箭是濕痛而轉動者氣與痰也痛而難轉動者血也各有方治然中亦有雜痧者先治痧毒後除餘症治箭亦須知也

治驗

一曹叔恒徧身走注疼痛不能展動或曰此鬼箭

也。以油髮艾葉摺之以燈心蘸菜油點火燂之不
應適見余自述其病診之脉左虛右實放痧三鍼
紫黑血流出用桃仁紅花湯加穿山甲天虫香附微
溫服漸痊
一鍾洪武內室腰背疼痛臥床不起有以爲鬼箭
之病從痛處挑筋十餘鍼不愈延余脉徐疾不常
曰痧也令其婢刮而且放刺腿灣痧二十餘鍼流
紫黑毒血用紅花湯加穿山甲澤蘭劉寄奴四劑
微溫服乃痊

久瀉肉瘦痧

瀉久則肉瘦或健脾或燥濕或消積或參水或補命
門火或平肝木氣治瀉之藥不過如是若慢痧之變
久瀉肉瘦病原不同但宜治痧則瀉自止矣

治驗

一姚公亶潘姆久瀉不已不思米食日漸尪瘦大
肉漸脫脉反有力放痧二十餘鍼紫黑毒血成流
付寶花散阿魏丸俱稍冷飲之即愈
一莫電雲久瀉不已骨瘦如柴唇紅口渴粥食不

進胸中飽悶脉及後伏放腿灣痧四鍼毒血紫黑
流出如花用沉香丸清茶稍冷飲之付稜木湯加
銀花澤蘭治之而愈
一巢茂公次子久瀉肉削咳嗽不已夜臥盜汗目
白微紅余診之脉寸伏關弦放腿灣上下痧三鍼
復刮痧畢付清涼至寶飲加山查荀子銀花微冷
飲之而痊

婦人隱疾痧

婦人幽隱疾多有兼痧最難識認惟在診脉之人指

下明白乃無差誤爾

治驗

一婦人患血淋三月矣頭面腿足俱腫六脉洪實
緊盛余意血淋熱症也洪實緊盛熱脉也何乃頭
面腿足驟然俱腫殆其痧乎令其家人放腿灣痧
二十餘鍼多用清涼解毒之劑治之而痊
一婦人患血崩其家人曰痧也引他婦閱之果有
痧筋放之用養血和中之劑治之而愈

脚氣痧

脚氣有因乎痧者。此慢痧纏綿。腿足或半年一年。或五年十年。其疾僅在腿足。上身氣血流通。脉往往不現。但兩尺脉微數有力而已。凡遇雜病。切忌升提。以妨痧。若不知治痧。毒肆行。腿足紅腫。痧筋一散。無從可放。所以四肢痧難治。

治驗

一老年。人苦足底燥烈。以為氣血衰微所致。不用藥治之。閱有痧筋。初放四鍼。毒氣散行。腿足遂腫。次日放痧四十餘鍼。其腫漸平。三日又放痧四十

餘鍼。足底漸滋潤。惟是日常放痧。不服藥而愈。一王姓者。患脚氣。腿足俱腫。看有痧筋。懼痛不治。緣世人犯此者多。故記之。

耳痛痧

耳孔甚微。腫痛最苦。若兼痧。其勢必盛。治惟以痧為先。耳痛亦有驗焉。

治驗

一鄭惟和。左耳出膿。腫痛連左太陽及肩脇。俱痛。右脉沉微。左關細澹。看痧筋。刺左腿灣。十餘鍼。其

痛遂減內用如聖散稍冷飲之外用羊糞一粒綿裹塞耳即愈

一翁左溪右耳腫痛日夜不寧脉微而緊放腿灣痧十二鍼血流紫黑用清涼至寶飲減細辛加牛膝石斛稍冷飲之而痊

手臂痛痧

手臂有痧攻及臟腑者為緊痧不攻臟腑者為慢痧之症惟刺手臂緊痧之症兼服痧劑

治驗

一余右臂筋中作痛閱有痧筋刺三鍼出毒血臂痛遂愈

一高松筠左臂疼痛醫治不應閱臂上痧筋刺四鍼出毒血不藥而愈

腫毒夾痧辨

腫毒陽者為癰陰者為疽往往有夾痧而發設使不先理痧單去毒亦不效也

治驗

一王姓者腰腎間白腫如盤臥不轉側痛苦萬狀

將及二月余按脉弦緊而或伏日夾痧之毒也先
 放其痧後理其毒迨半月出微膿而愈
 一人大腿紅腫如爪先放痧而治之愈
 一人左腎囊紅腫獨大先放痧而治之愈
 一人小腹痛極生毒平腫白色先放痧而治之愈
 一人右臂生黑疔先放痧而治之愈
 一人生右腎疽大如小盤墨黑其孔數十不知痛
 癢發熱不食閱左腿有痧筋放之即身涼進食四
 日而痊

一人生懸癰兼患雙橫痃引一善放痧者於尻尾
 骨上放六鍼腿灣放七鍼漸愈
 一人生鷲掌瘋放痧而愈
 一人大麻瘋手足拳曲其形真可憐也閱有痧筋
 故記之

刺蝥瘟痧

時有壯熱煩悶遍身痛如刺蝥所傷鄉俗相傳名爲
 刺蝥瘟焉以痧治之可全也

治驗

一林悅溪犯時疫瘟疾壯熱口渴胸腹迷悶以手
撫摩之即如刺蝥傷痛遍體皆然放腿灣痧二十
餘鍼毒血成流用穿山甲天虫角刺加活血順氣
之藥稍冷飲之而痊

地葡瘟痧

時有此疾村俗相傳名爲地葡瘟者閱之亦有痧也
治在前遍身腫脹痧條內故不更載治驗但恐時人
或誤故復記之

痧變發頤

痧者凶疾也痧而發頤毒氣上攻尤凶之甚也宜急
治之遲則難救

治驗

一汪雲文壯熱目赤口渴煩悶譫語神昏左脉沉
微右脉歇指痧也先服陰陽水一碗神昏少清譫
語稍定然後扶起放痧訖外用赤荳水搗敷圍內
吹冰硼散付以穿山甲天虫角刺射于山豆根土
貝母連翹烏藥枳殼川連牛膝微冷飲之頤遂出
膿些須四日而愈

急救逆痘要法

痘有順有險有逆險者猶可回生逆者斷難療治此
不易之論也然余觀嬰兒出痘間犯兼痧其痘未有
不逆故兼痧之痘或難放標或標而不分顆不起發
或當起發分顆而反隱或發癢疹或變焦黑或見飛
漿或生血泡或肉腫痘不腫或下身先發而臉額不
起頂不行漿或瑣屑細密色澤晦暗或一片如胭脂
色種種逆症往往因痧毒惡血壅阻以致殞命愚嘗
先放其痧隨宜用藥則毒血一行壅阻俱散逆者可

轉而為順難標者即標難起者即起當漿者即漿無
奈世人以痘不可放痧慢事不小不知逆痘難療更
無生路惟茲一法可救但恐痧助痘毒內攻甚速難
難挽回若逆痘始現有痧即放治之甚易凡遇逆痘
急宜鑒諸

治驗

一金權可女四歲十一月間痘五朝放標至足面
痘猶細如芥子隱隱不發其腰下痘反有水珠色
真逆痘也聞左腿灣有痧筋放一鍼手指上痧放

十五鍼俱紫黑毒血面痘立時紅活起發余看痧
氣已絕惟用十神解毒湯減大腹皮加天虫大力
子山查青皮一劑次日面有行漿之勢惟用養血
托漿清涼解毒之藥五劑痘即如期貫膿收靨而
愈。

一金權可子三歲十一月間痘六朝左腰痘密有
嘻窠形色如水珠其面臉痘紫赤滿頂不發服酒
漿桑虫一條反變兩顴一片如臘脂色不分顆粒
左額見飛漿一粒亦逆痘也余爲放指上痧二十

餘鍼痘即分顆紅活余惟用痧痘可兼治之藥
劑治之次日痘即行漿後惟用治痘常藥遂貫膿
收靨而痊。

一汪扶搖子八歲六月間痘五朝面上肉腫痘不
腫他醫謝事延余閱腿灣有痧筋放四鍼紫黑毒
血成流用寶花散兼圓紅散微溫湯服次日痘即
起脹後惟用大補氣血藥助貫膿收靨而愈
一褚雋甫女十二歲八月間痘四朝徧身紫癍他
醫莫治延余閱指臂上痧筋放二十餘鍼用大黃

九稍冷湯飲之。瘧退痘起。後惟用清涼解毒之藥。即如期貫漿收靨。乃瘳。

一詹福先子六歲九月間。痘四朝大渴。舌心有黃黑胎。腰腹大痛。面部痘色焦紫。過頂不發。延余。問有痧筋。放腿灣指頭痧。二十餘鉞。痛不止。用細辛大黃丸。清茶微冷飲之。痛稍減。付必勝湯。加川連石膏。一劑微溫飲之。痛止。胎退。痘漸起。脹猶大。便不通。去川連石膏。日服此湯。貫膿收靨。便通而愈。癩症兼痧。

癩癩疾也。患此者。雖不即斃。然往往勿獲長壽。治惟疏風消痰清熱。或溫下元而已。不知亦有痧焉者。宜辨之。

治驗

一朱建溪婢犯羊癩風。三年矣。余診之。六脉緊伏。不勻。閱痧筋。放之。付以沉香滾痰丸。微溫湯飲之。遂愈。永不再發。

一盛昭先次子患猪癩風。六年。脉浮緊。而數。閱痧筋。放之。脉遂平。付以沉香滾痰丸。微溫湯飲之。亦

不再發。

麻木酸痒痧

麻木酸痒。古人論治宜遵。余不更述。但痧症變幻時。亦有之。

治驗

一翁尚景。遍身麻木。腿膝酸痒。異常脈微。而細。放腿足痧四十餘。鍼指頭痧六鍼。未愈。付圓紅散。微溫湯服之。用當歸。金銀花。連翹。秦艽。羌活。山甲。末。薑蠶。角。刺。紅。花。二劑。如前服。而痊。

頭虛足腫痧

世俗相傳。有云。男怕頭虛。女怕脚腫。謂醫治之難。療也。獨是頭虛之症。世豈無有。消風熱而得愈者乎。不知腫因風熱。乃可治。效若不因風熱。而因痧者。奚可更用發散。升提之味耶。惟是頭面虛腫。實因痧毒。上攻三陽。先宜放刮。後用清涼引下之劑。治之。應無不愈。無令更變。出凶險別病也。至若脚腫之疾。婦人犯也。不數年。而小腿腫。加之大腿亦腫。漸入腹。睡即腿足不腫。內發脹悶。若當起坐行動。胸腹乃鬆。足腿

復腫如是日復一日更不數年勢必小便不利大便亦阻即成真肢愚按此因濕毒之氣蒸淫於足傷其血分變為慢痧不由鼻吸而入故喫熱湯熱物俱無驟害脈亦有現有不現極悶痧筋或在腿或在足面或在足兩旁必多刺數次出毒血為要如不愈當內服藥餌平其氣血為主大忌升發燥熱之品恐毒氣上騰也若此之痧有患五六年而斃有患十餘年而斃有患二十餘年而斃世鮮識者受苦甚多不可不憫余故特為之著焉

治驗

一爰茂甫驟患頭面紅腫心胸煩悶口渴唇焦六脈俱伏放巔頂痧及手指腿灣痧二十餘鍼不愈用清涼至寶飲減細辛加石膏知母茜草稍冷飲之三服而痊

一方士彥患頭面漸腫眉髮盡落已二年矣脈洪數而緊盛放指臂痧及兩太陽痧二十餘鍼腿灣痧四鍼服清涼至寶飲減薄荷細辛加穿山甲天虫烏藥續斷桑寄生紅花歸身微溫飲之十服而

痧

一秦馥生內室素患脚腫及腿漸升於腹夜苦心中飽悶飲食不寧日間行動足腿復腫十餘年矣診脉細數冷其家人爲之數放足面及兩旁痧用川棟子金銀花木通澤瀉枳榔澤蘭青皮枳殼烏藥連翹温飲八服遂愈
一張書瞻病後足腫無力少進飲食兩尺脉伏闕足面痧及足旁痧腿灣痧放之用川棟子枳榔金銀花連翹白茯苓澤瀉歸身續斷紅花白蒺藜烏

藥而痧

黃疽痧

黃疽之症亦痼疾也不用鮮草頭方之迅利則不效然亦有效有不效者詎黃疽有必不可治者耶蓋黃疽因內有實熱而發若痧毒所變亦有然者務宜先施刮放後取黃疽方選擇而用自可得痊

治驗

一夏月溪目睛爪甲小便皆黃四肢上下遍體黃腫服他醫諸方不愈余診之脉微數而緊若遽脉

宜補遠症宜清不可中治乃閱痧筋放之漸鬆用
麥門冬四兩猪板油四兩煎服而痊
一婦人黃疽放痧後用草頭方搗汁酒冲服一二次
而痊

小兒夜啼痧

小兒暮夜啼哭不止父母愛之嘗百計撫摩憂疑無
極曾不得立時安靜為憾不知胸腹疼痛故爾啼哭
若曰小兒無痧吾不信也

治驗

一朱廣函女二歲時至夜半忽然啼哭叫跳不任
意其胸腹作痛將刷子蘸香油刮之痧起不藥而
愈

一汪洪臯子二歲夜深啼哭迨至清晨不歇延余
四子端英往視其左腿灣有痧筋放一鍼流紫黑
毒血用防風勝金湯多加麥芽稍冷飲之而安

驚風痰熱痧

小兒犯此惟用疏風豁痰定驚之品其常也然竟有
疏風而熱不除豁痰而痰不消定驚而驚益甚者得

母審其病原有未當乎。余嘗見此審其症候稍雜閱有痧焉。卽以痧症治之甚效。

治驗

一岳瑞昇幼子發熱面赤痰喘不已兩目上視困重沉沉他醫莫治延余脉緊而數先用圓紅散稍冷湯飲之令其家人刮痧起未愈用和脾宣化飲研細辛大黃丸微冷飲之遂安。

一高子瞻女一歲痰嗽身熱手足抽搐昏迷不醒端英子往視虎口脉不現六脉俱伏閱腿灣痧放

一鍼紫黑毒血流出用救苦丹清茶稍冷飲之未愈又用三香散微冷湯下而痊。

死症痧

詢治痧之法凡人犯死症亦有可救者乎曰有余且無論百病死症多有可救之實惟據傷寒集中有云赤癍五死一生黑癍十死一生陽症見陰脉者死陰陽毒過六七日不治兩感傷寒者死汗後不爲汗衰謂之陰陽交者死不得汗者死發熱脉疾躁狂言不能食謂之三死咳逆不止者死臍結者死厥陰舌卷

囊縮者死。脉代者死。少陰吐利煩燥四逆者死。結胸症悉具煩躁者死。發熱至七八日。膚冷而躁無時暫安。曰臟厥不治。少陽與陽明合汗不和。脉長大而弦。名曰負負者死。陰陽易病。頭重眼花。四肢拘急。小腹絞痛。手足攣痛者死。脉陰陽俱虛熱不止者死。傷寒七八日已上。大發熱者難治。溲便遺失者死。循衣摸牀邪熱內結。脉弦濇者死。喘而不休者死。柔汗發黃者死。唇吻反青者死。環口黧黑者死。鼻如煙煤者死。直視搖頭者死。此等惡症。往往兼痧已前治。驗歷歷。

有據然余所救者甚多難以悉數。但人犯死症如落深淵。利在見之蚤救之急爾。

羊毛瘟痧

此痧言遠先生道之甚悉。所以垂救世人多矣。余實未見不敢妄論。近又聞丹箴袁兄所述。自北方來親見此症。胸前生羊毛數莖。北人又有用銅錢置病所。以艾火燒錢上。外將瓦罐或竹罐盒之。即時收出汗。水而愈。北人名為打火罐。併能治痧痛是也。抑又聞北方人用手推背上一筋撮起。掐緊一時許。亦能治。

痧痛此法余雖未經驗若爲之想亦有益無損故併誌之以爲窮荒僻野無醫療治者一生路焉

痧脹破迷論

痧中禁忌余慮不知痧候犯之尤慮知痧罔識所忌譬若昏夜迷塗高低莫辨縱步於岩谷間鮮不顛仆者矣蓋痧受病與雜症不同見端與雜症相類病家不信以雜症治之勿顧痧中禁忌勢必日甚一日病入膏肓卽有進言刮放試焉無及矣則受迷於痧脹之始者此其一亦有始卽知痧稍用刮放便謂業

既治痧當用別藥幸而不犯痧禁或可收功若痧氣未絕一犯所忌愈服愈危身命難保乃曰非因痧脹之故則受迷於痧脹之終者此其一更有患痧不識用別藥不效因而僅用刮放不佐以治痧之劑或僅投一二劑復投別症之藥致痧患復發茫然不覺乃曰治痧無效不足信也不知治痧用藥稍或不合勢必痧毒內攻而斃則始終受迷於痧脹之害者又其一更不特如是已也或痧症有時汗出如油誤服酸欵固表之味或痧症有時寒熱無汗候服升提溫散

之方或痧症有時足冷過膝候服附子吳茱薑桂之
品或痧症有時上唾下瀉誤服香燥滯滯之類或痧
症有時惡寒畏冷誤服薑椒辛辣之物更有痧症變
爲脉虛誤用溫補之藥痧症變爲脉旺誤用水寒之
藥或痧症變爲怪脉雖不皆生然誤認必死棄而不
救而且痧症嘗似氣虛誤用參芪苓朮以補氣嘗似
血虛誤用熟地何首烏以補血而且痧多死症凶險
非常不復細審病源以爲別症將斃而且痧症畧鬆
食物太蚤因而痧物相裹結於心胸難以解散而且

痧症未絕痧毒尙存驟飲熱湯熱酒遂致痧症復發
凶危莫過每有變在頃刻悔之無及此等受迷皆余
所目擊而心傷者也若乃有見痧諱言痧犯痧惡言
痧雖死於痧勿知爲痧之害者其天之所限乎余固
不得而強之卽有擯刮痧放痧治痧之方法者余亦
不得而強之也嘗觀醫林多士業擅岐黃深通古籍
者動輒援引內經諄諄不已竟不知黃帝始製九鍼
之法以療民病多刺少藥卽如內經有云諸瘧而脉
不見刺十指間出血血去必已先視身之赤如小豆

者盡取之又云先其發時如食頃而刺之一刺則衰
二刺則知三刺則已不已刺舌下兩脉出血不已刺
郄委中盛經出血又刺項已下俠脊者必已如先頭
痛及重者先刺頭上及兩額兩眉間出血先項背痛
者先刺之先腰脊痛者先刺郄中出血先手臂痛者
先刺手少陰陽明十指間先足脛痠痛者先刺足陽
明十指間出血又如腰痛引項脊尻背如重狀刺其
郄中太陽正經出血刺解脉在膝筋肉分間郄外廉
之橫脉出血血變而止解脉令人腰痛如引帶如折

腰狀善恐刺解脉在郄中結絡如黍米刺之血射以
黑見赤血而已經載煌煌垂訓萬古正後人之所當
祖習者也故痧多變余不能盡述凡在爾所不信者
試於清夜思之苟遇斯疾偶爾心迷當刺不刺當藥
不藥或誤入或誤已彼此不異諒有同心慎之慎之

痧脹玉衡全書後卷終

尚書堂藏板醫書類目
三條通柳馬場東 堺屋仁兵衛製本
痘科鍵 朱英噓萬著 四冊
同刪正補註 池田錦橋著 六冊
痧脹玉衡書 清郭志遠石陶著 五冊
治痧要略 李善惠伯著 一冊
汪石山醫按 明石山居士著 四冊
汪石山先生多年刻苦シテ沈疴痼疾ヲ治セシ醫按ナリ
實ニ比類ナキ宝書ニテ醫按ノ魁タルモノ也凡ソ細カニ
病因ヲ察シ蜜ニ葷味ヲ考フルニ至ツテハ諸家ニ異
ナル活手段アリ古今未嘗有ノ書也

明治三年己亥四月念五夜一讀了 白峯直

尚書堂藏板醫書類目

三條通柳馬場東 堺屋仁兵衛製本

溫疫論 二冊

痘科鍵 四冊

同標註 二冊

同刪正補註 六冊

同方論 二冊

痧脹玉衡書 五冊

同類編 二冊

治痧要略 一冊

同解 五冊

此二書ハ痧病ノ治方ヲ明辨シ傷寒時疫脚氣驚風
其餘乃痧ニ痧ヲ兼ルノ理ヲ示ス晚出ノ書トイヘモ古人
未嘗ノ術ニテ医家ノ至寶ト云ヘシ傷寒全圖温疫千金
外臺等ノ書ト並ニ見スバアルヘカラザル宝典也

同國字解 未刻

汪石山醫按 四冊

同源 一冊

汪石山先生多年刻苦シテ沈疴痼疾ヲ治セシ醫按ナリ
實ニ比類ナキ宝書ニテ醫按ノ魁タルモノ也凡ソ細カニ
病因ヲ察シ蜜ニ葷味ヲ考フルニ至ツテハ諸家ニ異
ナル活手段アリ古今未嘗有ノ書也

同反案 二冊

汪石山先生多年刻苦シテ沈疴痼疾ヲ治セシ醫按ナリ
實ニ比類ナキ宝書ニテ醫按ノ魁タルモノ也凡ソ細カニ
病因ヲ察シ蜜ニ葷味ヲ考フルニ至ツテハ諸家ニ異
ナル活手段アリ古今未嘗有ノ書也

同隨筆 一冊

汪石山先生多年刻苦シテ沈疴痼疾ヲ治セシ醫按ナリ
實ニ比類ナキ宝書ニテ醫按ノ魁タルモノ也凡ソ細カニ
病因ヲ察シ蜜ニ葷味ヲ考フルニ至ツテハ諸家ニ異
ナル活手段アリ古今未嘗有ノ書也

最里公濟著

松尾淡菴著

高橋篤之著

大喜多泰山述 國字註解 中神琴溪述

清劉松峯著 多紀法眼閣 荻野台州著 黑弘休伯標註 荻野台州校 明吳又可原本 荻野台州校

名家灸選大成

淺井南阜 輯 三冊

諸家傳來之秘方名灸秘穴或ハ俗家ニ秘トス處ノ名
穴ヲ尤奇功アルヲ兩先生圖ヲ以テ撰出シテ

鍼灸指南

扶台州關 五冊

諸家經驗方選

一冊

續名家方選

一冊

同 三編

一冊

和語本草綱目

十冊

履診秘傳鈔

一冊

漢張仲景真像

一冊

醫家會席諸生ノ會讀ニ必スモ此真像ヲカケテ
其業祖ヲ尊ヒ五フヘキナリ

十四經和語鈔

岡本一抱子著 四冊

中華醫書便覽

藥師寺大鵬輯 一冊

雜疫論

清劉松峯著 一冊

婦人方考

一冊

食療正要

松岡玄達著 四冊

千金方藥註

松岡玄達著 四冊

廣參品

松岡玄達著 一冊

怡顏齋介品

同著 三冊

錦囊妙藥秘錄

明王夢蘭著 一冊

華實年浪草

三餘齋兼文著 全十五冊

此書ハ神祭佛事ノ宜更格式トシテノ
魚書トモナリト云々雅羅美家ニ於テ
トナリト云々十一月ノ季ニ候ニモ古事
古例ト引ク注釈ナリ持壽連如ノ
志チ君子ハ方ニカクニナリ

百人一首像讚鈔

北村季吟注 也足軒系譜

此ハ百人一首ノ起リト云々
ト云々注釈トナリト云々
也足軒系譜ト云々ト云々

風流文雅双六

吳月溪一里 彩色石具附

此書ハ皇都名所多岐ト云々文人以流ノ
好ニシテ其ノ好ハ且重手ト云々

新編武功双六

道具附

此書ハ名子術ノ以テト云々
ト云々ト云々ト云々

見聞た秘録

國華山人著 五冊

此書ハ名子術ノ以テト云々
ト云々ト云々ト云々

京都書林

尚書堂

三條通柳馬場東角 寺町通佛光寺下ル町

尚書堂

堀屋仁兵衛

尚德堂

堀屋儀兵衛

